

Bu voqeа janubiy Ispaniyaning tog'li deparalaridan birida ro'y berdi.

Iyun oyining so'lim oqshomi edi, oydin kecha, to'lin oy osmon peshtoqida osilib turardi, odatan, kunduzi jala quyib o'tgan bo'lsa, dimiqqan kechalari oy nafarmon nur taratadi, binafsha gullayotgan kezlarda bu hol tabbiy hisoblanadi, pastak janub o'rmonlari bilan qoplangan yassi tog'larning dovonlari sutday oqarib ko'zga yaqqol tashlanib turardi, dovon ufqqa bosh qo'yanan.

Dovonlar orasiga joylashgan ensiz vodiy shimol tomonga cho'zilib ketgan. Vodiyning bir tarafiga dovonning ko'lankasi tushib turar, mozor sukunati hukm surayotgan bu oqshomda tog' jilg'asi bir maromda jildirar, goh safsar ma'dan, goh yoqut, goh tillaqo'ng'iz sirli shu'lа sochar, olamni nurga to'ldirayotgan mo'b Tjizza ko'zni qamashtirardi. Qarshi tarafdagи adirlar vodiydan chekinib, o'rnni past tekisliklarga bo'shatib bergen, tekislik bo'ylab eski tosh yo'l o'tgan. Shu pastlikda joylashgan toshqo'rg'on ham nihoyatda ko'hna ko'rindari. Bemahalda toshqo'rg'onga oldingi o'ng oyog'i oqsayotgan to'riq ayg'ir otini qichamasdan minib kelayotgan marokashlik bir kishi tashrif buyurdi. U baland bo'yli, oq jundan to'qilgan keng-mo'l yaktak kiyib, boshiga popukli hojido'ppi qo'ndirib olgan edi.

Toshqo'rg'on odam zoti qirilib ketgandek huvillab yotardi, o'z holiga tashlab qo'yilganga o'xshardi. Aslida ham shunday edi. Marokashlik kishi dastlab sersoya ko'cha bo'ylab, tosh-devor uylar oralab o'tdi; uyldaring derazalari o'rnida bo'shliq qorayib ko'rindari, tomorqadagi bog'lar yovvoyilashib ketgan edi. Keyin u oydin maydonga chiqdi; bu yerda ustiga shiyponcha qilingan hovuz, peshtoqiga Madonnaning zangori haykalchasi o'rnatilgan cherkov, hamon odamlar istiqomat qilayotgan bir nechta hovli bor edi. Oldinda esa, maydonga kiraverishda karvonsaroy joylashgan. Pastki qavatdagи derazalardan g'ira-shira nur taralardi. Egar ustida mudrab kelayotgan marokashlik birdan hushyor tortib, jilovni siltadi, oqsab kelayotgan ot o'nqir-cho'nqir tosh to'shalgan maydon bo'ylab jadal yurib ketdi, tuyaq tovushlari tun qo'yinidan aks sado berardi. Tuyaq tovushini eshitib karvonsaroy bo'sag'asiga kichrayib, qoq suyak bo'lib qolgan kampir chiqdi, daf'atan uni tilanchiga o'xshatish mumkin edi. So'ng kulcha yuzli, o'n besh yoshlar chamasidagi qizaloq ostonada paydo bo'ldi; uning jamalagi peshonasiga tushib turar, yalang oyoqlariga shippakcha ilib olgan, egnida oqish pechakgul tusidagi yengil kuylak. Bo'sag'aga boshini qo'yib yotgan eshakdek qop-o'ra it ham o'rnidan turdi, uning junlari sip-silliq bo'lib, kesilgan quloqlari ding bo'lib turardi. Marokashlik kishi ostonaga yetar-etmas otdan tushdi. It shu zahoti ko'zlarini chaqnatib, tishlarini xunuk irjaytirib olg'a tashlandi. Marokashlik qamchisi bilan itni haydashga urindi. Qizaloq darhol itga tanbeh berdi:

- Negra! deb qichqirdi jarangdor tovushda. Senga nima bo'ldi?!

It boshini egib asta-sekin orqasiga qaytdi, tumshug'inи devorga qadab yotdi.

Marokashlik kishi ispan tilini buzib gapirardi, salom-alikdan qildi, so'ng shaharda temirchi bormi deb so'radi, ertaga otni taqalatish kerak ekan. Otni kechasi qaerda qoldirish mumkin? Otga yem topiladimi? O'ziga ham ovqat berilsa, chakki bo'lmasdi. Qizaloq uning baland bo'yiga, chechak izlari qolgan cho'tir yuzlariga qiziqsinib qaradi. Qo'noq itga xavotirlanib nazar tashlab qo'ysi, it jimgina yotibdi, xuddi xafa bo'lib qolganga o'xshardi, qulog'i xiyla og'ir kampir esa tovushini ko'tarib shosha-pisha javob qaytardi: temirchi bor, xizmatkor uy yonidagi molxonada uxbab yotibdi, kampir uni hozir uyg'otadi, u otga yem beradi. Ovqat masalasida ham mehmonning ko'ngli to'q bo'lsin: tuxum quymoq tayyorlab berish mumkin, lekin kechki ovqatdan fakat oz-moz loviya bo'tqa bilan sabzavot qovurdoq qolgan, ular isitib beriladi... Doim shirakayf bo'lib yuradigan xizmatkor chol mehmonning otiga yem berib, egar-jabdug'ini yechib olishda yordamlashdi.

Yarim soatdan sung marokashlik kishi oshxonada zo'r ishtaha bilan ovqatlanib, sarg'imtir oq musallasi yutoqib ichib o'tirardi... Karvonsaroy ko'hna edi. Pastki qavat uzun-uzun dahlizlardan iborat bo'lib, yo'lak oxirida yuqori qavatga chiqiladigan aylanma zinapoya bor. Yuqori qavat ikkiga bo'lingan: chap tomonda keng-mo'l, lekin shifti pastak xonalalar, xonalarga kambag'al qo'noqlar tunashi uchun so'richalar qo'yilgan; o'ng tomonda ham pastak shiftli oshxona, shiftlariyu devorlari quyuq tutundan qasmoq bo'lib ketgan yemakxona, devorlari xiyla qalin bo'lqani bois tokchadan ichkariga o'rnatilgan kichik derazalar, burchakda o'choq, ustiga hech narsa yopilmagan stol, yonida o'tirgichlar, yerga g'adir-budur toshdan to'shamma qilingan, u silliq-sirpanchiq bo'lib ketgan. Bu xonada kerosin lampa miltillab turardi, u qop-qorayib ketgan temir zanjirga osib qo'yilgan, xonaga achimsiq tutun va piyozdog' hidi o'tirib qolgan. Kampir o'choqqa o't yoqib sovub qolgan qovurdoqni isitdi, mehmon sirkva zaytun moyi aralashirilgan sovuq loviya bo'tqani yeb bo'lquncha tuxum quymoq qam tayyor bo'ldi. U yechinmadni, yaktagini ham yechmadi, chotini kerib taltayib o'tirardi, oyoqlarida qalin teridan tikilgan boshmoq bor edi, oq jundan to'qilgan keng-mo'l ishtonining poychasi burmali bo'lib, to'pig'ini qisib turardi. Qizaloq kampirga ko'maklashar, mehmon ish buyursa so'zsiz bajo keltirar, lekin kutilmaganda yeb qo'yudek o'qrayib qarashlaridan, quruqshagan cho'tir basharasiyu yupqa lablaridan, ko'kimtir mo'ylovidan qo'rqrar edi. Qo'noq shundoq ham qo'rinchli ko'rindari. Bo'yi juda baland, keng yaktakda yana-da vahimali ko'rindari, popukli hojido'ppi kiyib olgan boshi xumdek. Ustki labining chetlarida dag'al shop mo'ylovining uchlari jingalak bo'lib buralib qolgan. Soqolinining orasida qam yakkam-dukkam jingala tola uchhardi. Boshini xiyol orqaga tashlab kekkayib o'tirgani bois qo'ng'ir teri ostida o'ynab turgan kekirdak olmasi buqoqchasi odatdagidan yirikrok ko'rindari. Qorayib ketgan ingichka barmoqlarida kumush uzuklar tovlanib turardi. U miq etmasdan yeb-ichib o'tiribdi.

Kampir qovurdoqni isitib, quymoq pishirib bo'lgach, gulxani so'na boshlagan o'choq yoniga holsizgina cho'kdi va undan qayoqdan qayoqqa ketyapsan deb so'radi baqirib. Mehmon bo'g'iq tovushda:

- Uzoqqa, - deb gapni qisqa qildi.

Qovurdoq bilan quymoqni pok-pokiza tushrigach, bo'shab qolgan ko'zani chayqab ko'rsatdi: qovurdoqqa achchiq qalampir ko'p qo'shilgan ekan, o'zini kuydirib yuboribdi. Kampir boshi bilan qizaloqqa ishora qildi, qizaloq ko'zani olib yemakxonanining qiya ochiq eshididan chiqib, tim qorong'i dahliz tomon yo'l oldi dahlizda tillaqo'ng'izlar xuddi ertaklardagidek uchqun sachratib bir maromda parvoz etar, ajabtovur nur taratar edi.

Qo'noq qo'yinidan papiros chiqarib tutatdi, qizaloq ketgan tomonga im qoqib:

- Nevarami? deb so'radi.

- Jiyanim, yetimcha, - deb javob berdi kampir qichqirib. So'ng ezmalanib hikoya qilishga tushdi: u marhum akasini, ya'ni qizaloqning otasini juda yaxshi ko'rар, akasini deb qariqiz bo'lib o'tirib qolgan, mana shu karvonsaroy akasining xususiy mulki hisoblanar, akasining xotimi bundan o'n ikki yil muqaddam bandalikni bajo keltirgan, o'zi o'n sakkiz yil burun o'lgan, mol-mulkini bir umr foydalanish uchun kampirga vasiyat qilib koldirgan, huvillab yotgan qo'rg'onchada yashash nihoyatda og'irlashib ketgan ekan...

Marokashlik kishi kampirning diydiyosini parishonxotirlik bilan tingladi, unchalik e'tibor bermadi, u o'zining o'y-xayollari bilan band edi. Qizaloq ko'zani musallasga to'ldirib qaytib keldi. Qo'noq unga ko'zlarini lo'q qilib tikilgancha papiros qoldig'ini shu qadar jahd bilan yutoqib tortdiki, oqibatda kirlab ketgan barmoqlarining uchini kuydirib oldi. So'ng yangi papirosini shosha-pisha

o't oldirib, tovushini ko'tarib kampirga u kampirning qulog'i og'ir ekanini allaqachon sezgan edi murojaat qildi:

- Agar jiyaning musallasni o'z qo'l bilan quyib bersa, bag'oyat mammun bo'lardim.

- Bu uning ishi emas, - dedi kampir cho'rt kesib. So'ng zardali ohangda qichqirdi: - Kech bo'ldi, musallasni ichib, borib uxlugin. Hozir jiyanim senga yuqori xonaga o'r'in to'shab beradi.

Qizaloq ko'zlarini chaqnatib dik etib o'rnidan turdi, kampirni ortiqcha javratib o'tirmasdan tap-tap qadam tashlab zinapoya bo'y lab yuqoriga ko'tarildi.

- O'zlaring qaerda uxlaysizlar? deb marokashlik hojido'ppisini terlab ketgan peshonasidan bir oz surib kuydi. Yuqorida yotasizlarmi?

Kampir qichqirib gap boshladi: yozda yuqori qavat juda issiq bo'ladi, ijarachilar bo'limgan chog'larda endi deyarli kelmay qo'ydi - ular pastki qavatning narigi bo'lmasida, qarama-qarshi tomonda, huv anavi xonada yotadilar. U qo'l bilan o'zlar yotadigan xonani ko'rsatib, so'ng yana ishlar chappasiga ketganidan shikoyat qilishga tushdi, hamma narsa qimmat bo'lib ketdi, shu bois, ista-istama yo'lovchilardan ham qimmatroq haq olishga tug'ri keladi...

- Men ertaga vaqtli ketaman, - dedi marokashlik kampirning gaplariga e'tibor bermay. Ertalab faqat qahva bersang bas. Demak, hoziroq hisob-kitob qilib qo'yishimiz mumkin. Xo'sh, qancha bo'ldi? Hozir to'layman. Yo'-o'q, avval mayda pullarimni topay-chi, deb u yaktagining ichki cho'ntagidan yumshok qizil teridan tikilgan hamyonini chiqardi, bog'ichini bo'shatib og'zini ochdi, stol ustiga bir hovuch tillo tangalarni jaranglatib to'kdi. Go'yo pullarini sinchiklab sanayotgandek peshonasini tirishtirdi, kampir esa o'choq yonida o'tirgan o'rindig'idan turib, ko'zlarini ola-kula qilib tillo tangalarga tikildi.

Yuqori qavat qorong'i, juda issiq edi. Qizaloq cho'milish xonasining eshigini olib qo'ydi. Qorong'ilikdan issiq havo gup etib yuziga urildi, darcha tirkishlaridan yarq etgan nur ko'rindi, bu xonaga ham xuddi pastdag'i kabi kichikroq ikkita deraza o'rnatilgan edi. U xona o'rtasidagi yumaloq stolni chaqqon aylanib o'tib derazani ochdi, darcha eshikchalarini itarib tashqariga ochdi. Oydin kecha, bepoyon osmon oqarishib, yakkam-dukkam yulduzlar ko'zga tashlanardi. Nafas olish xiyla yengillashdi, vodiydan jilg'a jildirashi eshitilardi. Qizaloq to'lin oyni tomosha qilish uchun derazadan boshini chiqardi, oy hamon tepada bo'lgani bois xonadan ko'rinnmasdi. So'ng qizaloq pastga qaradi: yerda turgan it tumshug'in ko'tarib unga qaradi. Bundan besh yilcha oldin bitta daydi kuchuk qaylardandir adashib karvonsaroya kelib qoladi, u qizaloqning ko'z o'ngida katta bo'ladi, qizaloqqa o'rganadi, u egasiga shu qadar sadoqatli ediki, bunday sadoqatni faqat itlardan kutish mumkin. Zotan, it vafodor bo'ladi.

- Negra, nima uchun uxlamayapsan? dedi qizaloq tovushini pasaytirib.

It beozorgina g'ingshib, boshini bir silkitdi-da dahlizning ochiq eshigi tomon tashlandi.

- Qayt, qayt! deb buyurdi qizaloq shoshib. Joyingga bor!

It taqqa to'xtadi, tumshug'in ko'tarib qizga qaradi, ko'zlaridan uchqun sachrardi.

- Senga nima kerak o'zi? deb so'radi qizaloq erkalovchi tovushda. U doim it bilan xuddi odamdek gaplashardi. Nega uxlamayapsan, esipast? Yo osmondagi oy xayolingni olib qochdimi?

It bir nima deb javob bermoqchi bo'lgandek yana tumshug'in yuqori ko'tardi, beozorgina g'ingshib qo'ydi. Qizaloq yelkalarini qisdi. Bu it uning sirdoshi, yorug' olamdag'i birdan-bir jonli sirdoshi edi. Itning his-tuyg'ulari, o'y-xayollari doimo qizaloqqa tushunarli bo'lardi. Lekin hozir it nima demoqchi, u nimadan xavotirlanyapti buni qizaloq yaxshi anglamadi, shu bois qo'lini arra arra qilib, yolg'onidakam jahli chiqqandek:

- Negra, joyingga bor! Uxla! deb shivirladi.

It joyiga borib yotdi. Qizaloq deraza yonida yana birpas o'ylanib turdi. Balki, itni anavi marokashlik tasqara xavotirga solgandir? It karvonsaroy qo'noqlariga deyarli e'tibor bermasdi, hatto ko'rinishidan qaroqchi yoki dordan qochgan kazzobga o'xshagan kimsalarga qayrilib ham qaramasdi. Lekin ba'zan ayrim kimsalarga nima uchundir xuddi quturgandek tashlanib qolardi, momoguldurakdek vovullab oyoqdan olardi. Bunday paytlarda qizaloqqina itni hovuridan tushirib, qaytarib kolardi. Hozir itni bezovta qilayotgan narsa boshka bo'lishi mumkin: dimiqqan kecha, havoda kilt etgan shabada yo'q, osmonda to'lin oy charaqlab nur taratyapti bunday holat har qanday tirik jonne quyushqondan chiqarib yuboradi. Bu oqshom hukm surayotgan g'ayritabiyy sukonat og'ushida vodiy tarafdan jilg'aning jildirashi, molxonada dup-dup yer tepib, shataloq otib yurgan echkining tuyeq tovushlari baralla eshitilib turardi. Qo'qqis qari xachirmi yoki marokashlik qo'noqning ayg'ir otimi gurs etkazib echkini tepib yubordi, echki jonholatda shu qadar xunuk ma'rab yubordiki, qulqoni teshib yuboradigan o'tkir tovush uzoq-uzoqlarga taralib ketdi. Qizaloq sapchib o'zini derazadan ichkariga oldi, narigi derazani ham olib, darcha eshikchasi ni itarib yubordi. Xona g'ira shira yorishib qoldi. Xonada stoldan tashqari, eshikdan kiraverishdan ung tomonda uchta keng karavot bor bosh tarafi devorga tirab, ustiga dag'al choyshab tashlab qo'yilgan. Qizaloq choyshablarni yig'ishtirib kiraverishdagi birinchi karavotga tashladi, yostiq to'shab, ko'rpacha yozdi. Shu payt xona ertaklardagi mo'b'ijiza maskani kabi yorishib, mayin ko'kimtir shu'laga chulg'andi tillaqo'ng'iz qizaloqning gajagiga qo'ngan edi. Qizaloq uni astagina siladi, tillaqo'ng'iz goh yaltirab, goh xira tortib xona bo'y lab parvoz eta boshladi. Qizaloq dimog'ida xirgoyi qilgancha sakrab-sakrab pastga tushib ketdi.

Yemakxonada marokashlik kishi eshikka orqa o'girib g'o'dayib turar, past, lekin qat'iy ohangda, asabiyashib kampirga bir nimalar deyayotgan edi. Kampir boshini chayqab rad ma'nosini bildirardi. Marokashlik yelkalarini uchirib qo'ydi, xonaga kirib kelgan qizaloqqa shunday o'grayib qaradiki, sho'rlik jonholatda o'zini orqaga tashladi.

- Joy tayyor bo'ldimi? dedi u bo'g'iq tovushda.

- Hammasi tayyor, - dedi qizaloq shoshib.

- Tepaga qanday chiqishni bilmayman, meni kuzatib qo'yasan.

- Seni o'zim kuzatib qo'yaman, - dedi kampir darg'azab bo'lib. Orqamdan yur!

Kampir aylanma zinapoyadan inqillab-sinqillab yuqoriga ko'tarila boshladi, marokashlik esa boshmoqlarini tap-tap etkazib unga ergashdi. Qizaloq birpas turib tashqariga chikdi. Ostonada yotgan it sakrab turdi, atrofida chir-chir aylandi, dumini likillatib quvonchini izhor etdi, so'ng egasining yuzlarini yaladi.

- Nari tur, nari ket! deb shivirladi qizaloq va erkalab itni itarib yubordi, ostonaga o'tirdi.

It ham orqa oyoqlariga cho'nqayib o'tirdi, qizaloq uning bo'ynidan quchoqlab oldi, peshonasidan o'pdi, o'tirgan ko'y'i it bilan birga tebrana boshladi. Yuqori qavatdan marokashlik qo'noqning og'ir qadam tovushlari, bo'g'iq ovozi eshitilib turardi. U xotirjamlik bilan kampirga bir nimalar derdi, lekin nima deyayotganini aniq-tiniq anglab bo'lmasdi. Nihoyat, u tovushini ko'tarib:

- Bo'pti, bo'pti! Faqat aytgin, kechqurun ichib yotishim uchun suv keltirib bersin, - dedi.

Zinapoyadan ehtiyyot bo'lib tushayotgan kampirning qadam tovushlari eshitila boshladi.

Qizaloq daxligza kirib kampirning yo'lini to'sdi va:

- Mis is not registered version of TotalDocConverter. - Bema'nini qaplarни qo'y, - deb qichqirdi kampir. Sen o'ylaysanki, men yana-tag'in mana shu maymoq oyoqlarimni sudrab tepaga chiqib tushamanmi? Yorug'roq bo'lsa ham koshkiydi. Zinapoyaning sirpanchiqligini aytmaysanmi?! Uning nimasidan qo'rqsan?! Tug'ri, u kallavaram, achchig'i burnining uchida turar ekan, lekin yomon odam emas. U sen haqingda kuyib-pishib gapirdi, senga rahmi kelyapti, eh, sho'rlik, sepi bo'lmasa, kim ham uni kelin qilardi deyapti. To'g'ri aytyapti, senda sep nima qilsin! Biz allaqachon xonavayron bo'lganmiz. Anavi bezot diktatorga ming rahmat, hech bo'lmasa, tinchlikni saqlab turibdi. Aslini olganda, bunday tinchlik bo'lganidan ko'ra qir-pichoq urush bo'lgani afzal edi, o'shanda yebto'ymas, xushomadgo'y, olchoq amaldorlardan biryo'lа qutulardik... Bechora dexkonlarni kuryapsanmi, kuruk ustixon bulib kolgan. Karvonsaroya ham gadoynusxa qalang'i-qasang'ilardan boshqa hech kim kelmay qo'ydi...

- Boya men kirkhan paytda nima uchun achchig'lanib turgan edi? deb so'radi qizaloq.

Kampir kalovlanib koldi.

- Nima uchun emish! deb g'uldiradi kampir. Men unga birovning ishiga burningni tiqmagin dedim... Shundan keyin jahli chiqib ketdi... Qani, ivirsimma, darhol unga suv eltib ber! dedi kampir zardasi qaynab. Suv eltib bersang u senga bir nima sovg'a kiladi. Va'dasi shunday. Bor deyapman!

Qizaloq ko'zani to'ldirib yuqori qavatgadagi xonaga suv olib chiqdi. Marokashlik qo'noq ust-boshlarini yechib karavotda alchayib yotardi: oy yorug'ida uning mitti ko'zlarini yaltirar, sochlari tap-taqir etib olingen boshi qorayib, uzun ichki oq ko'ylagi oqarishib ko'rinar edi. So'laqmonday yalang'och oyoqlarini o'ynatib qo'yardi. Quvuri uzun, barabanli to'pponcha xona o'rtasidagi stolda yaltirab turardi. Ustki kiyim-boshlarini yonidagi karavotga uyub qo'yibdi... Bularning hammasi nihoyatda vahimali ko'rinaridi. Qizaloq yugurib borib ko'zani taq etkazib stolga qo'ydiyu zing'illab orqasiga qaytdi, lekin marokashlik qo'noq sakrab turdi-da qizaloqning qo'lidan ushlab oldi.

- Shoshma, shoshma, - dedi u qizaloqni karavot tomon tortib. Uni qo'yib yubormasdan karavotga o'tirdi, so'ng: - Bir daqqa yonimda o'tir, o'tir deyapman, o'tirsang-chi... Gap bunday, yaxshilab quloq sol... deb shivirlay boshladı.

Kapalagi uchib ketgan qizaloq itoatguylig bilan uning yoniga o'tirdi. U entikib-entikib izhori dil qila boshladi: xudo haqqi, seni ko'rdimu es-hushim boshimdan uchdi, bir ko'rishdayoq sevib qoldim, yolg'on gapirayotgan bo'lsam, ana, tepamda xudo turibdi, bir o'pich uchun o'n tillo, yigirma, bor-e o'ttiz tillo beraman, bir xalta tillo tangam bor... keyin...

Yostiqning ostidan qizil hamyonini olib, qo'llari qaltirab uning bog'ichini bo'shatdi, tillo tangalarni to'shakka to'kib tashladi.

- Mana, ko'rdingmi, tillolarim ko'pmikan!.. Ko'rdingmi!.. deb g'uldiradi.

Qizaloq shahd bilan bosh chayqadi, karavotdan sapchib turdi. Lekin qo'noq uni darhol tutib oldi, quruqshagan, chapdast qo'li bilan og'zini yopib karavotga yotqizdi. Qizaloq jonholatda tipirchilab uning qo'lini og'zidan yulqib tashladiyu:

- Negra! deb chinqirib yubordi.

Endi u qizaloqning og'zini burniga qo'shib mahkam siqib, bo'sh qo'li bilan tipirchilayotgan oyog'ini ushlashga harakat qildi; qizaloq esa shataloq otib uning qorniga ayovsiz tepa boshladi. Shu payt zinapoyadan uchib chiqqayotgan itning irillashi qulqoqqa chalindi. Marokashlik qo'noq sakrab o'rnidan turdiyu stolda yotgan to'pponchasini qo'liga oldi, biroq tepkini topishga ham ulgurmasdan polga quladi it unga tashlanib, ustidan bosib tushdi. Ustiga minib olgan it hamlasidan yuzini to'sib yotgan joyida irg'ishlar, itning issiq nafasi yuziga urilgan chog'da battar to'lg'onar, tipirchilar, oh-voh qilar edi, lekin beixtiyor boshini orqaga tashlab, iyagini ko'targan zahoti it uning tomog'idan g'arch etkazib tishladiyu kekirtagini yulib oldi, halqumidan tizillab qon otilib ketdi.

1949, 23 mart